

Rannóg Pholasáí, Cháilíochtaí,  
Churaclaim agus Mheasúnachta,  
An Roinn Oideachais agus Eolaíochta,  
Bloc 2  
Sráid Maoilbhríde,  
Baile Átha Cliath 1  
☎ (01) 809 5020



Qualifications, Curriculum and  
Assessment Policy Unit,  
Department of Education and Science,  
Block 2  
Marlborough Street,  
Dublin 1  
Fax (01) 809 5048

**Imlitir 20/2010**

## **Chuíg: Údaráis Bhainistíochta Scoileanna Dara Leibhéal**

### **Leasú ar Shiollabais Ghaeilge na hArdteistiméireachta (Gnáthleibhéal agus Ardleibhéal) Cúrsa leasaithe litríochta le cur faoi scrúdú i 2012, i 2013 agus i 2014**

Iniata leis an imlitir seo tá moltaí ón gComhairle Náisiúnta Curaclaim agus Measúnachta maidir le leasuithe ar chúrsa próis agus filíochta na hArdteistiméireachta ag an nGnáthleibhéal agus ag an Ardleibhéal. Is é Coiste Cúrsa Gaeilge na hArdteistiméireachta a chuir na moltaí seo faoi bhráid na Comhairle. Is mian leis an Aire a chur in iúl go bhfuil na moltaí seo faofa aige agus go dtiocfaidh siad i bhfeidhm i 2010. Reáchtálfar an chéad scrúdú a bheidh bunaithe ar na leasuithe seo i 2012.

Tá achoimre ar an gcóras measúnachta mar a bhainfidh le scrúdú Gaeilge na hArdteistiméireachta (Gnáthleibhéal agus Ardleibhéal) ón mbliain 2012 amach ceangailte mar aguisín leis an Imlitir seo. Tá mioneolas ar an gcóras measúnachta mar a bhainfidh le scrúdú Gaeilge na hArdteistiméireachta (Gnáthleibhéal agus Ardleibhéal) ón mbliain 2012 amach le léamh ar shuíomh gréasáin Choimisiún na Scrúduithe Stáit ([www.examinations.ie](http://www.examinations.ie)). Tá na siollabais Ghaeilge Ardteistiméireachta (Gnáthleibhéal agus Ardleibhéal) nuashonraithe ar fáil ar shuíomh gréasáin na Roinne Oideachais agus Eolaíochta ([www.education.ie](http://www.education.ie)). Seolfar cóipeanna crua de na siollabais chuig na scoileanna chomh maith.

Iarrtar oraibh a bhfuil san imlitir seo a chur faoi bhráid na n-oidí sin in bhur scoileanna a mbaineann an leasú seo leo.

Bheifí buíoch díbh ach cóip den imlitir seo a chur ar fáil d'ionadaithe cuí na dtuismitheoirí agus na n-oidí.

Margaret Kelly  
Príomhoifigeach

Márta 2010

# GAEILGE na hARDTEISTIMÉIREACHTA

## PRÓS AGUS FILÍOCHT DO NA BLIANTA 2010-2012; 2011-2013; 2012-2014

### GNÁTHLEIBHÉAL AGUS ARDLEIBHÉAL

Mhol an Chomhairle Náisiúnta Curaclaim agus Measúnachta gur mar seo a bheadh an cúrsa próis agus filíochta ag an nGnáthleibhéal agus ag an Ardleibhéal do na blianta 2010-2012, 2011-2013, 2012-2014.

Tá moltaí déanta ag an gComhairle maidir leis an gcúrsa litríochta a bheidh **comónta** don **Ghnáthleibhéal** agus don **Ardleibhéal**. Tá na moltaí atá déanta ag an gComhairle rianaithe anseo thíos.

#### 1. PRÓS: Gnáthleibhéal agus Ardleibhéal 1(a) Prós Comónta Ainmnithe NÓ 1(b) Prós: Ábhar Roghnach

##### 1(a) Prós Comónta Ainmnithe:

Seo a leanas na téacsanna ainmnithe próis atá molta don **Ghnáthleibhéal agus** don **Ardleibhéal**.

- (i) ***Oisín i dTír na n-Óg*** Scéal béaloidis  
as *Seanchas na Féinne* – Niall Ó Dónaill (eagarthóir)  
(An dara heagrán, An Gúm, 1996) [Lgh.69 – 73]
- (ii) ***An Gnáthrud*** Déirdre Ní Ghrianna  
as *An Gnáthrud* – Déirdre Ní Ghrianna (Coiscéim, 1999) [Lgh.61 – 65]  
nó  
***Seal i Neipeal*** Cathal Ó Searcaigh  
as *Seal i Neipeal* – Cathal Ó Searcaigh (Cló Iar-Chonnachta, 2004) [Lgh.78 – 83]  
**[Dírítear aird ar an rogha atá ar fáil d'iarrthóirí ag (ii) thuas idir *An Gnáthrud* agus *Seal i Neipeal*.]**
- (iii) ***Dís*** Siobhán Ní Shúilleabháin  
as *Í Siúd* – Siobhán Ní Shúilleabháin (Cló Iar-Chonnachta, 1999) [Lgh.265 – 70]
- (iv) ***Hurlamaboc*** Éilís Ní Dhuibhne  
as *Hurlamaboc* – Éilís Ní Dhuibhne (Cois Life, 2007) [Caibidil 1, Lgh. 5 – 9]
- (v) ***Cáca Milis*** (Gearrscannán)  
as *Gearrscannáin-DVD* (Bord Scannán na hÉireann & TG4, 2004)  
nó  
***An Lasair Choille*** (Gearrdhráma) Caitlín Maude agus Mícheál Ó hAirtneide  
as *Caitlín Maude, Dánta, Drámaíocht, agus Prós* – Ciarán Ó Coigligh (Coiscéim, 2005) [Lgh. 265 – 270]

**[Dírítear aird ar an rogha atá ar fáil d'iarrthóirí ag (v) thuas .i. dráma nó scannán.]**

## NÓ

### 1(b) Prós: Ábhar Roghnach - Gnáthleibhéal agus Ardleibhéal

Is den riachtanas é go gcloífi leis na treoracha seo a leanas maidir le hábhar agus le téacsanna cuí a roghnú.

Agus téacsanna oiriúnacha próis á roghnú ba chóir na critéir seo a leanas a chur san áireamh:

#### (i) Cineálacha:

**Cúig** ghiota próis agus ceann amháin díobh ag freagairt do gach ceann ar leith de na cineálacha (i) go (v) thíos:

- (i) **Sliocht béaloidis**
  - (ii) **Giota as saothar dírbheathaisnéise / dialann taistil**
  - (iii) **Gearrscéal [go huile]**
  - (iv) **Giota as úrscéal**
  - (v) **Dráma [nó giota as]**
- nó  
**Scannán Gaeilge**

(ii) Fad, leibhéal agus caighdeán na teanga san ábhar a roghnaítear. Glactar leis an ábhar próis ainmnithe mar threoir chinnte don ábhar atá le roghnú, maidir le fad [toirt], cineál, leibhéal agus caighdeán na teanga.

#### (iii) Téamaí

Tá sé tábhachtach na critéir seo a leanas a chur san áireamh, maidir le téamaí a roghnú sna giotaí:

- an t-ábhar féin a bheith spéisiúil agus baint a bheith aige le raon eispéireas na scoláirí
- baint a bheith ag na téamaí le topaicí agus le feidhmeanna teanga an tsiollabais
- meascán d'ábhar trom agus d'ábhar éadrom a bheith i gceist
- cothromaíocht a bheith idir saothar na bhfear agus saothar na mban

#### (iv) Ábhar nach bhfuil inghlactha

- Ní bheidh cead ag iarrthóir ar bith giota ar bith próis atá ainmnithe faoi réir Alt 1 (a) thuas 'Prós Comónta Ainmnithe', a úsáid mar ghiota roghnach i bhfreagra ar cheist ar an gcúrsa roghnach.
- Ní bheidh cead ag iarrthóirí úsáid a bhaint as aistriúchá(i)n.
- Caithfidh gach uile théacs a roghnaítear a bheith ina bhuntéacs Gaeilge.
- Caithfidh gach uile théacs a roghnaítear a bheith foilsithe.
- Caithfidh gach uile théacs a roghnaítear a bheith ar fáil go poiblí agus go héasca don té a bheadh ag iarraidh teacht air.

2. **FILÍOCHT: Gnáthleibhéal agus Ardleibhéal**  
**2(a) Filíocht Chomónta Ainmnithe** **NÓ** **2(b) Filíocht: Ábhar Roghnach**

**2(a) Filíocht Chomónta Ainmnithe:**

Seo a leanas na téacsanna ainmnithe filíochta atá molta don **Ghnáthleibhéal agus** don **Ardleibhéal**.

- (i) **An Spailpín Fánach:** (véarsaí 1, 2, 3)  
*Duanaire na Meánteistiméireachta* – Caoimhghin Ó Góilidhe a chuir in eagar. (Eagrán Oifigiúil, Folens, 1975)
- (ii) **Géibheann:** Caitlín Maude  
*Caitlín Maude, Dánta, Drámaíocht, agus Prós* – Ciarán Ó Coigligh (Coiscéim, 2005)
- (iii) **An tEarrach Thiar:** Máirtín Ó Direáin  
*Rogha Dánta* – Máirtín Ó Direáin (Sáirséal agus Dill, 1949)
- (iv) **Mo Ghrá-sa (idir lúibíní):** Nuala Ní Dhomhnaill  
*Féar Suaithinseach* – Nuala Ní Dhomhnaill (An Sagart, 1984)
- (v) **Colscaradh:** Pádraig Mac Suibhne  
*Solas Uaigneach* – Pádraig Mac Suibhne (An Sagart, 1992)

**NÓ**

**2(b) Filíocht: Ábhar Roghnach - Gnáthleibhéal agus Ardleibhéal**

Agus téacsanna oiriúnacha filíochta á roghnú ba chóir na critéir seo a leanas a chur san áireamh:

- (i) **Cineálacha**  
Déantar staidéar ar **chúig** dhán ar fad. Agus na cúig dhán á roghnú ní mór gur sa tréimhse **roimh** 1850 a cumadh **dán amháin** díobh sin.
- (ii) Fad, leibhéal agus caighdeán na teanga san ábhar a roghnaítear. Glactar leis an ábhar filíochta ainmnithe mar threoir chinnte don ábhar atá le roghnú, maidir le fad [toirt], cineál, leibhéal agus caighdeán na teanga.
- (iii) **Téamaí**  
Tá sé tábhachtach na critéir seo a leanas a chur san áireamh, maidir le téamaí a roghnú ins na dánta:
  - an t-ábhar féin a bheith spéisiúil agus baint a bheith aige le raon eispéireas na scoláirí
  - baint a bheith ag na téamaí le topaicí agus le feidhmeanna teanga an tsiollabais
  - meascán d'ábhar trom agus d'ábhar éadrom a bheith i gceist
  - cothromaíocht a bheith idir saothar na bhfear agus saothar na mban
  - ceol agus liriciúlacht a chur san áireamh

**(iv) Ábhar nach bhfuil inghlactha**

- Ní bheidh cead ag iarrthóir ar bith dán ar bith atá ainmnithe faoi réir Alt 1 (b) thuas 'Filíocht Chomóna Ainmnithe', a úsáid mar dhán roghnach i bhfreagra ar cheist ar an gcúrsa roghnach.
  - Ní bheidh cead ag iarrthóirí úsáid a bhaint as aistriúchá(i)n.
  - Caithfidh gach uile théacs a roghnaítear a bheith ina bhuntéacs Gaeilge.
  - Caithfidh gach uile théacs a roghnaítear a bheith foilsithe.
  - Caithfidh gach uile théacs a roghnaítear a bheith ar fáil go poiblí agus go héasca don té a bheadh ag iarraidh teacht air.
-

### 3. LITRÍOCHT BHREISE: ARDLIBHÉAL

Ceann **amháin** de na rannóga **3A (Prós Breise) nó 3B (Dánta Breise)** thíos. Tá sé i gceist go ndéanfaidh scoláirí an leibhéal seo saothrú ar phrós breise nó ar dhánta breise nó ar an dá rannóg díobh sin más é sin is rogha leo. Rannóg **amháin** díobh sin a bheidh le freagairt sa scrúdú. Seo a leanas an cúrsa de phrós breise agus de dhánta breise atá molta ag an gCoiste Cúrsa don Ardleibhéal.

**3A: Prós Breise:** Ceann **amháin** de na saothair ainmnithe **(i) – (v)** thíos.

- (i) **An Triail** Mairéad Ní Ghráda  
*An Triail* – Mairéad Ní Ghráda (An Gúm, 1978) [go huile]
- (ii) **A Thig Ná Tit Orm** Maidhc Dainnín Ó Sé  
*A Thig Ná Tit Orm* – Maidhc Dainnín Ó Sé (Cló Iar-Chonnachta, 1999)  
[Caibidilí 1 – 8, Lgh. 7 – 62]
- (iii) **Tóraíocht Dhiarmada agus Ghráinne**  
*Tóraíocht Dhiarmada agus Ghráinne* – Nessa Ní Shé a chuir in eagar  
(Longman Brún agus Ó Nualláin, 1971) [Lgh. 1 – 72]
- (iv) **Gafa** Ré Ó Laighléis  
*Gafa* – Ré Ó Laighléis (Móinín, 1996) [Lgh 7 – 64]
- (v) **Canary Wharf** Orna Ní Choileáin  
*Canary Wharf* – Orna Ní Choileáin (Cois Life, 2009)  
(cúig ghearrscéal ainmnithe as na deich ngearrscéal atá sa chnuasach)
  - *Saineolaí Teicneolaí* (Lgh. 17 – 32)
  - *Canary Wharf* (Lgh. 35 – 48)
  - *Cosaint Sonraí* (Lgh. 69 – 86)
  - *Cúrsaí Eitilte* (Lgh. 129 – 146)
  - *Mil* (Lgh. 149 – 167)

### NÓ

**3B: Dánta Breise:** Na **cúig** dhán ainmnithe seo a leanas **ar fad (i) – (v)** thíos.

- (i) **Caoineadh Airt Uí Laoghaire** Eibhlín Dubh Ní Chonaill  
*Caoineadh Airt Uí Laoghaire* – Nuachóiriú le Seán Ó Tuama, (An chéad chló, 1961). *Leabhair Thaighde, an Ceathrú hImleabhar* – Seán Ó Tuama, (An Clóchomhar, athchló 2002) [Línte 1-68; 177-188]
- (ii) **Fill Arís:** Seán Ó Riordáin  
*Brosna* – Seán Ó Riordáin (Sáirséal agus Dill, 1964)
- (iii) **A Chlann:** Máire Áine Nic Gearailt  
*Mo Chúis Bheith Beo* – Máire Áine Nic Gearailt (Coiscéim, 1991)
- (iv) **Colmáin:** Cathal Ó Searcaigh  
*Gúrú i gClúidíní* – Cathal Ó Searcaigh (Cló Iar-Chonnachta, 2006)
- (v) **Éiceolaí:** Bidy Jenkinson  
*Baisteadh Gintlí* – Bidy Jenkinson (Coiscéim, 1986)

## **Stair Litríocht na Gaeilge - Ardleibhéal:**

Tá sé molta ag an gComhairle nach mbeadh saincheist ar leith ann feasta ar 'Stair na Gaeilge' ag an Ardleibhéal mar a bhíodh. Moltar áfach, agus staidéar á dhéanamh ar an gcúrsa litríochta, aird a thabhairt i gcónaí ar na saothair agus ar na húdair a shuíomh i gcomhthéacs stair litríocht na Gaeilge. Ó thaobh na measúnachta de, ag an ardleibhéal, is féidir go gcuirfear focheist ghairid ar na gnéithe sin. Eolas faoin údar agus faoi chúlra agus comhthéacs an tsaothair a bheidh á lorg.

\*\*\*\*\*

# AGUISÍN

## Gaeilge: An Ardteistiméireacht

### Gnáthleibhéal agus Ardleibhéal

#### An Córas Measúnachta

Tá an córas measúnachta thíos bunaithe ar na cuspóirí múinteoireachta agus ar na haidhmeanna uile a ghabhann leis na siollabais seo. Tugtar aitheantas sa chóras seo do na scileanna teanga go léir (idir scileanna ginchumais agus scileanna gabhchumais). Maidir le riar na marcanna atá le bronnadh ar na gnéithe éagsúla sin i scrúdú Gaeilge na hArdteistiméireachta tá aird tugtha ar na hathruithe a fógraíodh le hImlitir 0042/2007.

San ábhar teanga a iarrfar ar na scoláirí a ionramháil sa Bhéaltrial, sa Trial Chluastuisceana, sa Ceapadóireacht agus sa Léamhthuiscint, beidh na Topaicí atá liostaithe sa Siollabas (gnéithe den Chultúr Gaelach ina measc) san áireamh. Tástálfar a bhfuil de shamplaí as litríocht na Gaeilge le saothrú ag na scoláirí ar Scrúdpháipéar 2.

**Nóta:** Is é 600 marc an t-iomlán don Scrúdú.

#### GNÁTHLEIBHÉAL

1. Beidh dhá pháipéar scríofa ann don leibhéal seo.
2. Uair an chloig go leith a mhairfidh páipéar a haon (an 20 nóiméad don scrúdú cluastuisceana san áireamh) agus mairfidh páipéar a dó dhá uair an chloig.

**An Bhéaltrial:** .....240 marc = 40%

#### **Labhairt na Gaeilge (240 marc)**

Scrúdú comónta don ghnáthleibhéal agus don ardleibhéal a bheidh sa bhéaltrial. Déanfar tástáil ar chumas labhartha agus cumarsáide an scoláire trí mheán na Gaeilge.

**Páipéar 1:** ..... 160 marc = 27%

#### **Cluastuisceant (60 marc) + Ceapadóireacht (100 marc)**

Scrúdófar cluastuisceant agus ceapadóireacht sa pháipéar seo.

**Páipéar 2:** ..... 200 marc = 33%

#### **Léamhthuiscint x 2 (50 marc + 50 marc) + Prós ainmnithe nó rognach (50 marc) + Filíocht ainmnithe nó rognach (50 marc).**

Scrúdófar léamhthuiscintí, prós agus filíocht an tSiollabais sa pháipéar seo.

## **ARDLEIBHÉAL**

1. Beidh dhá pháipéar scríofa ann don leibhéal seo.
2. Dhá uair an chloig a mhairfidh páipéar a haon (an 20 nóiméad don scrúdú cluastuisceana san áireamh) agus mairfidh páipéar a dó dhá uair an chloig agus daichead a cúig nóiméad.

**An Bhéaltriall:** .....240 marc = 40%

### **Labhairt na Gaeilge (240 marc)**

Scrúdú comónta don ghnáthleibhéal agus don ardleibhéal a bheidh sa bhéaltriall. Déanfar tástáil ar chumas labhartha agus cumarsáide an scoláire trí mheán na Gaeilge.

**Páipéar 1:** ..... 160 marc = 27%

### **Cluastuisceant (60 marc) + Ceapadóireacht (100 marc)**

Scrúdófar cluastuisceant agus ceapadóireacht sa pháipéar seo.

**Páipéar 2:** ..... 200 marc = 33%

### **Léamhthuisceant x 2 (50 marc + 50 marc) + Prós ainmnithe nó rognach (30 marc)**

**+ Filíocht ainmnithe nó rognach (30 marc) + Litríocht bhreise (40 marc).**

Scrúdófar léamhthuisceantí, prós agus filíocht an tSiollabais sa pháipéar seo.